

BUKI PA PENSA Karibense

pa 4 i 5 di mei

 **Nationaal Comité**
4 en 5 mei



REINO HULANDES

D U R A N T E D I D O S G U E R A M U N D I A L



HULANDA

Nazi-Alemanía
a okupá Hulanda.

INDIA-HULANDES

Tin un
multiplisidat
di dies mil
hulandes será
den kamponan
hapones.

ANTIA HULANDES

Supmarino
aleman ta tira
riba e islanan.
Ta zeta nan ke.

SÛRNAM

Sürnam tin mina
ku ta suministrá
materia prima
na avionnan di e
aliadonan.

E biahe di barku di
Hulanda pa Karibe ta
dura tres siman.

Den aña 1940 Reino
Hulandes ta konsistí di
Hulanda i e kolonianan
India-Hulandes (awendia
Indonesia), Sürnam i Antia
Hulandes (Aruba, Boneiru,
Kòrsou, San Martin, Saba i
Statia).

Pensa



Wak e liña di
tempu na
página 8 t/k 13.
Kua partinan
di Reino ta okupá den
Di Dos Guerra Mundial?

Wak



Wak un vidio
di e guerra den
Karibe na
[tiny.cc/
caribisch.](https://tiny.cc/caribisch)







Reflekshoná riba Libertat

Kiko libertat ta nifiká pa abo? Mas bo pensa ariba, mas aspekto di libertat bo ta deskubrí. Bo ta liber ora bo mag pensa i kere loke abo ke. Ora bo por ta bo mes, ora por siña kosnan nobo i haña e oportunidat pa hasi loke abo ta haña importante. Or bo no tin mester di tin miedu di otro hende ku ta mas fuerte ku bo, por hasi bo daño sin rason. Ora bo no t'in mester di tin hamber i ora bo tin un lugá kaminda bo por sinti bo na kas.

No por mira ni kue libertat tene. Pero tòg libertat ta e kos di mas bunita ku nos tin huntú. A lucha duru p'e den Di Dos Guerra Mundial. E islanan den

Karibe tabata masha importante den esaki. Hende tabata kolektá plaka i paña pa yuda Hulanda. Kòrsou i Aruba tabata suministrá kombustibel pa avion i tènknan ku tabata nesensario pa e lucha. I hóbennan manera George Maduro i Boy Ecury a djòin resistensia na Hulanda i a duna nan bida pa libertat.

E libertat ei ta di bo i di tur otro mucha den bo klas. E ta di bo yùfrou, i di bo mener, di bo mayornan i tambe di mi. Nos ta kompartí nos libertat i esei ke men tambe: tene kuenta ku libertat di otro hende. Asina huntú nos ta keda liber!

Rei Willem-Alexander

Hasi



Pa e tarea akí bo mag hasi algu (skibi, klùr, pinta).

Pensa



Un pregunta pa pensa. No tin mester di skibi e kontesta. Por si.

Wak



Taip e lenk den internèt.

guera

Bo ta weta un palabra na kòrà? Esei ta referí na un splikashon den e lista di palabra na página 71.

Konenido



6 Mi Buki pa Pensa

8 Di Dos Guera Mundial

Un kronologia

14 Bida ta kambia

19 Konmemorá

Kon bo ta hasi esei?


22 Ken nos ta konmemorá?

24 Unda nos ta konmemorá?

26 Kon boso ta pensa riba e asunto di: Konmemorá?

28 Sali na defensa di un otro persona

E aktonan balente di Boy Ecury



32 Hudiunan den Karibe

.....

34 Ekskluí, persigui, asesiná

.....

38 Imposibel pa gara

.....

39 Pasa e historia

.....

40 Será na Boneiru

.....

44 Huida

.....

47 Dies pertenensia...
den mi maleta

.....

48 Kiko bo por hasi kontra
inhustisia?

.....

Anton de Kom a drenta akshon

.....

50 Un siudat chikitu pa un
gran héroe

.....

E historia di George Maduro



54 Nos ta liber

.....

56 Brèimentu di suèter
pa Hulanda

.....

60 Dies tep...
pa yuda un otro

.....

62 Bo sa mihó anto!

.....

64 Libertat...
segun Hensley Meulens

.....

66 Kiko ta boso pensamentu
tokante: Libertat

.....


68 Pregunta tokante libertat

.....

71 Lista di palabra

.....

72 Kolofon



MI BUKI PA PENSA

E Buki pa Pensa akí ta di:

.....

Di Dos Guera Mundial na Europa i e parti Karibense di Reino, a kuminsá na 1940.

Kuantu aña tin entre bo aña di nasementu i 1940?

.....

Mi konosé òf mi a yega di tende di un hende ku a pasa den guera, ku yama ...

.....
.....
.....

Ora mi ...

.....
.....

mi ta sinti mi mas liber ku tur otro momentu.

Aki bo ta pinta algu ku ta pas ku bo.

Por ehèmpel algu ku bo stima mashá.

Kiko libertat ta nifiká pa bo?

Pint'é, skibié òf plak e akibou:

Para ketu

Konmemorá ta nifiká para ketu na algu.
Por ehèmpel un hende ku a fayesé. òF
un akontesimentu fèrfelu.

Abo sa konmemorá algu òf un hende?

- ☐ Hopi biaha
- ☐ Tin biaha
- ☐ Kasi nunca
- ☐ Nunca

Kon bo ta hasi esei?

Pint'é òf skibié akibou.

Bo sa lesa òf tende algu tokante Di Dos Guera Mundial?

- ☐ Si, mas biaha mi ta tende historianan di mi famia.
- ☐ Si, mi konosé e historianan mas tantu di internèt, tv i buki.
- ☐ Si, mi konosé e historianan di weganen di vidio.
- ☐ Nò, nunca mi no sa tende nada di guera.

Ami ta konmemorá di e manera aki:



DI DOS GUERA MUNDIAL



Na 1933 e partido polítiko di Adolf Hitler ta gana elekshon na alemania. Ta yama e miembronan di e partido polítiko ei **nazi**. Hitler ke hasi alemania un pais grandi i poderoso.

Kos ta bai malu pa alemania. Hitler ta tira tur falta (inhustamente) riba hudiunan. Hende ku ta kontradesi é i e nazinan ta kai será òf ta mata nan. For di 1933 alemania-nazi ta ataká paisnan den Europa, ta okupá Hulanda tambe. No ta okupá Antia Hulandes, mas tantu ta lucha riba laman.

10 di mei Ehérsito aleman ta invadí Hulanda. Sinku dia largu Hulanda ta resistí e enemigu. Reina Wilhelmina ta hui bai Londres, kapital di Inglatera. Antia Hulandes ta sostené gobièrnu hulandes i ta den guera ofisialmente.

14 di mei Alemania-nazi ta bombardeá Rotterdam. Su siguiente dia Hulanda ta rendi. Hulanda ta okupá. No tin kontakto mas entre Hulanda i Antia-Hulandes.

1939


1 di sèptèmber Alemania-nazi ta invadí Polonia. Despues Inglatera i Fransia ta deklará alemania guera.



1940



10 di mei 127 habitante kurasoleño ku pasaporte aleman òf oustriako i 75 arubano aleman ta kai será den un kampo na Boneiru. Ta detené **NSBnan** tambe i ta konfiská barku di karga aleman.




mai ta yüli Sentenares di söldá ingles ta bini Aruba i Kòrsou pa protehá e industria di zeta. Zeta ta importante komo kombustibel pa entre otro e avionnan di Royal Air Force (RAF)-forsa aéreo di Inglatera.



7 di desèmber Hapon ta ataká flota merikano na Pearl Harbor (Hawai). Awor Merka tambe ta partisipá na e guera.



1940



yüli Hitler ke pa Inglatera entregá. P'esei e alemanan ta bombardeá Londres. E inglesnan ta lucha bèk ku tur nan forza. 'We shall never surrender', promé minister Churchill ta bisa.



Alemania, Italia i Hapon ta hasi palabrashonnan i ta lucha huntu. Huntu nan ta forma e asina yamá 'Potensia as': Nan ta e potensianan ku ta fungi komo un as.

1941

22 di yüni Hitler ta invadí Rusia. Ehérsito aleman ta konkistá hopi tereno lihé. Pero wenter ta dal aden i ta bira masha friu. Pa motibu di e friu i e kombatenan ku söldánan ruso, e ehérsito aleman tin ku wanta banda di Moskú.






11 di febrüari Sòldanan merikano ta bini Karibe. Nan ta bin yuda e sòldanan ingles protehá e islanan.



8 di mart Ehérsito real india-hulandes di India-Hulandes ta entregá su mes. Awor Hapon, un **aliado** di alemania-nazi, ta okupando e kolonia hulandes den Asia.

1942

15 i 16 di febrüari Operashon Neuland. Supmarino aleman ta ataká tènker di zeta i e refinarianan di zeta na Kòrsou i Aruba. Kuater boto ta senk i un skol i un kas ta sufri daño. Hopi matros ta pèrdè nan bida. Den e simannan ku ta sigui, ta senk bintiun boto aliado.





22 te 24 di òktober Prens Bernhard, suegu di reina Wilhelmina, ta bishitá Kòrsou i Aruba. E ta e promé miembro di kasa real ku ta hiba un bishita na Antia.

2 di febrüari Ta derotá e ehérsito aleman na e siudat ruso Stalingrad. Kasi un mion sòldá ta keda heridá.

sèptèmber alemania ta para tur atake pafó di Europa. Antia no tin pakiko di teme guera mas.



1942

òktober Ta difísil pa haña kuminda den guera. Hende tin plaka met accent, dus sít, pero ta masha poko kos di kumpra tin. Ta parti grano, aros i maishi i despues tambe otro alimento bou di e poblashon.



1943

1943 Kasi tur país na mundu, di un òf otro manera ta meti den e guera.




febrüari i mart Prensès Juliana ta bishitá Antia. E ta bishitá Aruba, Kòrsou, Boneiru i San Martin. Tambe e ta sirkulá ku su avion riba Saba i Statia.



desèmber 1944-1945 Gran kontra atake di alemanan den Ardenas na Bélgika.

sèptèmber Operashon Market Garden: aliadonan ta purba drenta alemania via Nijmegen i Arnhem na parti ost di Hulanda. Pero ta derotá nan banda di Arnhem. A liberá Hulanda sùit sí.

1944



6 di yüni Paisnan **aliado** ta baha na kosta di Francia. Despues di luchanan pisá nan ta sigui drenta Europa. Na oriente e rusionan ta bati e alemanan.

mart Kuminsamentu di liberashon na e parti nort di Hulanda.



15 di ougùstùs

Hapon ta entregá su mes. Di Dos Guerra Mundial tur kaminda a yega na su fin awor.

27 di yanüari

Liberashon di Auschwitz na Polonia, e kampo di destrukshon di mas grandi di **nazinan**.

30 di april Ehérsitonan ruso ta yega e kapital aleman Berlin. Hitler ta kometé suísidio. Su sòldánan ta sigui bringa.



6 i 9 di ougùstùs Merikanonan ta tira bomba nuklear riba e siudatnan hapones Hiroshima i Nagasaki. Un múltiple di shen mil siudadano hapones ta muri òf ta keda heridá.

1945

5 di mei Riba e anochi di 4 di mei e alemanan na Europa nort-wèst ta entregá nan mes. Dia 5 di mei tin un kòmbersashon ta tuma lugá na Washington entre kanadesnan i alemanan. Na Antia ta selebrá liberashon di Hulanda ku un gran fiesta.



30 di mei Mayoria sòldá merikano na Antia Hulandes ta biaha bai nan kas bèk.

8 di mei E último sòldánan di ehérsito aleman ta entregá nan mes na Fransia. Dia 8 di mei alemanan ta firma e palabrashonnan hasi ku Rusia. Tur sòldá aleman ta entregá nan mes. Asina e guerra na Europa ta kaba dia 8 di mei.




BIDA TA KAMBIA

Un sòldá ta vigilá
refineria di zeta
Lago na Aruba.

Un **refineria** ta un
tipo di fábrika unda ta
prosesá zeta krudo pa
otro produkto. Gasolin
òf zeta di motor, por
ehèmpel.

Nazinan ke prevení ku aliadonan
ta usa zeta di Kòrsou i Aruba pa
bringa kontra nan. P'esei nan
ta manda supmarino pa ataká
tènker di zeta i refinerianan.
Sòldánan franses, ingles i
merikano ta akudí pa protehá
islanan i zeta. Entretantu
habitantenan ta purba na sigui
biba normal. Pero tur kos ta
kambiando.



VIGILÁ E ZETA

E zeta di region Karibe ta masha importante durante Di Dos Guerra Mundial. Sin zeta e trùknan di tanki na Europa no por kore i avionnan no por bula. E refinerianan na Kòrsou i Aruba ta bai produsí mas zeta. Hopi hende na Kòrsou tin gana di tin un trabou den industria di zeta, den un fábrica òf riba barku. Pero traha riba un barku petrolero ta peligroso tambe.

Nazinan ta purba di senk e barkunan petrolero ku nan supmarinonan. Sòldánan ta trata na protehá barku i islanan.



Jose Dania ta biba na Aruba. Durante guerra e tabata miembro di Kuerpo di Boluntario Aruba, yudando den vigilansia di Lago.

‘Mi tabata tene warda na Lago. Mainta tempran banda di 6 or, nos a tende un zonidu duru. Nos tur a spanta. Tabata un torpedo ku a het tera. E momentu ei nan a basha mas **torpedo**. Tin di nan a kai riba barku, otronan riba tera.’

Wak



Jose Dania ta konta di un torpedo riba playa ku no a eksplotá.

Wak kiko a pasa via tiny.cc/josedania



E torpedo akí no a eksplotá. El a keda bentá riba playa di Aruba.

Diane Henriquez tabatin 6 aña tempu ku guera a estayá.

‘Ora alarma zona, bo mester a skonde bou di banki di skol. Mi mama a kose un sakitu ku un pida gùm i algun pida katu-na den dje. E katunanan tabata pa protehá bo oreá kontra zonidu di e bòm. I e gùm tabata pa bo hinka meimei di bo djantenan, pa bo djantenan no bati kibra kontra di otro.’



UN PIDA GÙM MEIMEI DI BO DJENTENAN

Kontinuamente tin e peliger pa e hendenan riba e islanan ku supmarino aleman por bombardeá nan. E skol di Diane ta pegá ku laman.

Wak



Diane Henriquez tabata chikitu ainda ora guera a estayá. E ta kòrda bon bon ainda kon horibel e tempu ei tabata. Wak su historia riba tiny.co/dianehenriquez

DEN SUKÚ

E blèkout’ òf e situashon pa laga tur kos den skuridat tabata nesario pa stroba e alemanan tira dirigí anochi. Sin lus, pafó ta masha sukú. Esun ku subi kaya tòg, ta bai ku un flèshlait.

Wak



Tabatin blèkout na Aruba tambe. Carmelita Wever ta konta kiko a pasa ora el a bai baña i a sende un lampi chikitu. Wak su historia via tiny.cc/carmelitawever



Imelda Kroon ta biba na Kòrsou.



‘Mester mester a blèkout. Esei ke men ku mester a lora tur lampi den duki. Pa bo traha bo hùiswèrk bo mester a sinta presis bou di e lampi. Bo no tabata mira nada otro rònt di bo, tur kaminda tabata sukú. Tur lus di kaya tabata pagá. Outonan mester a pinta nan lus di outo koló blou, ku un strepi di 1 sèntimeter meimei pa otro outo por mira bo. Abo mes si no tabata mira nada!’

UN KARTA NA PIDA PIDA

Ta habri tur pòst di i pa e islanan. Hendenan di **sensura** ta lesa e tekstonan pa kontrolá si nan no ta kontené sekretu di guera. Asina nan ke evitá ku e **nazinan** por okupá e islanan tambe.



Mama di Diane Henriquez tabata traha den gobièrnu.

‘Mi mama tabata traha den e sekshon di **sensura**. Aya nan tabata lesa delaster un karta ku tabata yega Kòrsou. E mester a saka tur informashon for di e kartanan. Notisia di guera no por a bira públiko. E motibu tabata ku tabatin hende bibá na e islanan ku lo por a pasa e notisia ei pa e alemanan. Ta p’esei e hendenan di sensura tabata kòrta tur e pida pida notisianan for di e kartanan. Nan sí tabata sa kiko tabatin pará den e kartanan, pero nan no por a bisa nada.’

Wak



Catalina Lampe ta biba na Aruba. E ta konta kon nan tabata tira riba su kas den guera. Wak su historia yen di suspenso na tiny.co/catalinalampe

Frank Hoyer, nasé na Kòrsou,
tabatin 14 aña tempu di guerra.



‘Nos tabata bai
sine. Tabatin
diferente
teater:
Cinelandia,
Roxy, West
End. Tur e
sòldanan riba
nos isla tabata trese
muchu mas bida. Hopi bia
e merikanonan tabata duna
un presentashon ku nan
banda jazz. Kada wikènt
tabatin fiesta.’

Wak



Ku binida di e merikanonan
Frank Hoyer tabatin un
dushi hubentut. Pero e
tabata ripará sí kiko guerra tabata
okashoná. E ta konta di esei na
tiny.co/frankhoyer

Pensa



Kua suseso
a kambia
bo bida?

FIESTA I PELÍKULA

Binida di e sòldanan ta trese hopi aktivitat. Mas trabou ta
habri pasobra e ehérsito mester di yudansa. E sòldanan ta
kumpra nan kuminda i artíkulonon na e isla tambe. Nan ta
hasi fiesta pa dibertí. Espesialmente e hóbennan ta haña
e kos akí fantástiko. Por wak pelikula merikano tambe.



KONMEMORÁ

KON ESEI TA BAI?

Dia di Konmemorashon Nashonal ta tuma lugá tur aña riba dia 4 di mei. Na e okashon ei nos ta rekordá e víktimanan di Di Dos Guera Mundial i e guernan i operashonnan pa mantenshon di pas ku a sigui despues. Pero kiko ke men konmemorá i kon esei ta bai?

Esaki ta na Kòrsou. Ta dia 4 di mei.


Riba e monumentu tin 129 nòmber di tur e antianonan ku e muri den Di Dos Guera Mundial.

Tin un sinta kologá na e krans di flor. Tin skibí riba e krans ta ken a pon'é.

Mucha ta deklamá poesia.

KIKO KONMEMORÁ KE MEN?

Konmemorá ke men rekordá un hende ku a fayeré òf un suseso triste. Semper bo ta konmemorá na un manera solèm. Bo mester sa ken òf kiko bo ta konmemorá. E Buki pa Pensa akí por yuda bo.



KON NOS TA KONMEMORÁ?

Ora hende bini huntu pa rekordá víktimanan òf algu ku a pasa, nos ta yama esei un konmemorashon. Na konmemorashon di 4 di mei ta hasi uso di ritual. Un ritual ta un akshon ku ta ripití su mes.



Silensio. Durante e konmemorashon ta tene 2 minüt di silensio.



Krans. Ta pone un krans na un monumento di guerra.



Bandera. E bandera ta bahá hálfestèngel.



Poema. Un persona ta deklamá un poema.

Ku esaki mi ta bai na un konmemorashon

- | | |
|------------------------------------|--|
| <input type="checkbox"/> un bela | <input type="checkbox"/> mi tin paña nèchi bistí |
| <input type="checkbox"/> un flor | <input type="checkbox"/> mi tin algu otro bistí, |
| <input type="checkbox"/> un poema | manera un |
| <input type="checkbox"/> un sombre | |

Por konmemorá di un otro forma tambe?

Klaro. Ta bai pa bo mostra ku bo ta haña un persona òf un suseso importante i ku bo no ke lubidá esei. Skibi òf pinta akibou kiko mas por hasi ora ta bai konmemorá un persona.

NA UNDA NOS TA KONMEMORÁ?

Riba bo isla e Konmemorashon Nashonal ta na e **monumentu** di guerra. Unda riba bo isla e monumentu ta pará? (Si bo no sa, puntra bo yùfrou òf bo mener)

Bai tira un bista eibanda. Kiko mas lo bo ke haña sa tokante e monumentu?

Ta mihó pa konmenorá na un monumentu di guerra ku na kas.
Di akuerdo / no di akuerdo, pasobra



PAKIKO KONMEMORÁ?

Ta konmemorá tur víktima di guerra den Reino durante e Konmemorashon Nashonal riba dia 4 di mei. Ta trata di personanan ku a fayesé den Di Dos Guerra Mundial, òf despues den guerra i akshonnan operadó pa mantenshon di pas. Riba 4 di mei tambe ta reflekshoná riba bida den libertat. Pa nos esaki ta algu normal, pero pa masha hopi otro hende na mundu no.

E monumentu di guerra na Boneiru.



KI ORA MAS TA KONMEMORÁ?

No ta konmemorá Di Dos Guerra Mundial so, pero tambe otro suseso importante. Abolishon di sklabilitut, por ehèmpel.



E monumentu di Abolishon di Sklabilitut na Kòrsou.



KEN NOS TA KONMEMORÁ?

Dia 4 di mei ta konmemorá tur víktima den Reino ku a kai durante Di Dos Guera Mundial. Tambe nos ta konmemorá e personanan ku a fayesé durante di e akshonnan operashonal pa mantenshon di pas i otro gueranan den di Dos Guera Mundial. Aki bo ta mira algun kara di e víktimananan ku nos ta konmemorá riba dia 4 di mei.



* Entre e víktimanan di guera akí tin mas o ménos 160 antiano. último añanan ta deskubriendo ainda mas nòmber nobo. Mayoría a muri riba laman den region Karibe. Víktimanan antiano tambe a kai na Europa.

KONTA E MORTONAN

Ta masha difísil pa haña sa presisamente ta kuantu vítikma di Di Dos Guera Mundial tin. P'esei e sifranan ta djis un kalkulashon.



RESISTENSIA

*Nos ta konmemorá e personanan ku nan a kue sera i mata nan, pasobra nan a drenta **resistencia** i a sali na defensa di derechi di otro.*

E arubano **Boy Ecury** ta den resistencia na Hulanda. E ta bai será i **nazinan** ta fusil'é na 1944, ora e tin 22 aña di edat.



VÍKTIMANAN CIVIL

Ta konmemorá e personanan ku a pèrdè nan bida pa motiubu di violencia di guera, bombardeo, agotamentu, hamber i desamparo.

Jopie Gerrits tin 3 aña di edat ora ta bombardeá su skol na Nijmegen. Su ruman muhé mayó ta sobreviví, pero Jopie no.

Pensa



Kuantu shen mil ta? Abo por pensa un ehèmpel pa bo imaginá bo mes kon grandi esifra ei ta?




**MILITARNAN
I PERSONAL
DI MARINA
MERKANTIL**

*Ta konmemorá tur militar i henter e personal di **marina merkantil** ku a pèrdè nan bida durante Di Dos Guerra Mundial i despues den guerra i mishonnan pa pas. Den Karibe esaki ta e grupo di mas grandi.*

Na febrüari 1942 lùitenant na laman **Pieter Joesse** ta purba di desmantelá un **torpedo** aleman na un playa na Aruba. Ora e torpedo eksplotá, Joesse ta keda heridá pisá. E ta fayesé na hospital na edat di 29 aña.

Juan Cancio Coffi ta un matros di Boneiru. E ta fayesé dia 10 di yùni 1942 ora un supmarino aleman ta zenk su barku. E tempu ei e tin 26 aña.



**MILITARNAN
I PERSONAL
DI MARINA
MERKANTIL**

*Ta konmemorá e mas ku 100.000 hudiunan, **roma i sinti** ku tabata persigui nan i ku a mata nan den kampo di konsentrashon i di destrukshon, simplemente pa ta e hendenan ku nan ta.*

Settela Steinbach, un mucha muhé Sinti, ta wak pafó di e trèin ku ta hib'é Auschwitz. Aya nan ta mat'é. Su dies rumannan hòmbèr i muhé tampoko no ta sobreviví guerra.



PERSEKUSHON

Ta mata e mucha muhé hudiú **Marianne Reens** den e **kampo di konsentrashon** Auschwitz, e dia ku el a kumpli nuebe aña.



PERSEKUSHON

*Ta rekordá tur siudadano ku a pèrdè nan bida durante i direktamente despues di e **okupashon** hapones.*

Elsje Bertling (9) ta muri algun dia promé ku e liberashon for di den un kampo hapones. Aki e ta chikitu ainda, den brasa di su ruman muhe mayó Adri.



**VÍKTIMANAN
SIVIL ASIÁTIKO**



UNDA NOS TA KONMEMORÁ?

Ta rekordá e víktimanan di Di Dos Guera Mundial na tur isla Karibense den Reino riba dia 4 di mei. Kada isla tin su mes monumentu di guera.



ARUBA Na e monumentu na Adriaan Laclé Boulevard.



KÔRSOU E monumentu na De Ruyterkade na Waaigat.



BONEIRU E monumentu ta dilanti di Wilhelminapark.



SINT MAARTEN Ponementu di kran na e monumentu na C. Wathey Square.



SABA Konmemorashon na e monumentu na The Bottom.

Pensa



Kiko mucha por hasi durante e konmemorashon di 4 di mei?



STATIA Mainta bon tempran un trompetista ta supla e "Taps"-nan den Fort Oranje, na e monumentu ku nòmber dje viktimanen.

Kon boso ta pensa tokante: KONMEMORASHON?

Esta
balente e
tabata!
Mi tambe lo
tabata
asina?

Mi ta
spera ku
nunka nos lo no
pasa den un
guera.



4 di mei. Arubananan na Hulanda ta pone krans pa e héroe di movimentu di resistensia rubiano Boy Ecury na **Walsdorpervlakte** pegá ku **Scheveningen**, e lugá unda nazinan a fusil'é.

Kiko bo ta pensa di e ekspreshonnan akí? Bo ta di akuerdo òf no di akuerdo? Skibi bo kontesta riba e liña di punto.



1 Ta mas importante pa rekordá un guera ku selebrá libertat.

Mi ta di akuerdo/no di akuerdo, pasobra...

2 Sigui konta e historianan di Di Dos Guera Mundial ta importante.

Mi ta di akuerdo/no di akuerdo, pasobra...

3 Tene silencio dos minüt largu ta hopi.

Mi ta di akuerdo/no di akuerdo, pasobra...

**Puntra un kompañero di klas kiko el a yena.
Boso ta di akuerdo ku otro? Di kon sí, di kon no?**

SALI NA DEFENSA DI UN OTRO

E AKSHONNAN BALENTE di BOY ECURY


E estatua aki ta pará den Oranjestad na Aruba. Ta un estatua pa e héroe den resistencia Boy Ecury. El a bringa pa libertat leu ayá na Hulanda.



Boy ta nase dia 23 di april 1922 na Oranjestad. E ta e di shete yu den e diestresnan. Tata di Boy Ecury tabata un komersiante ku plaka.



Na yuli 1937 kuater yu Ecury ta biaha pa Hulanda ku boto. Boy, Nicky i Mimi ta bai pa studia. Ruman hòmber Doe ta akompañá nan pa yuda nan. Poko nan por a sa ku ta tres di nan so lo a regresá.



Boy i Nicky ta keda na Amsterdam. Nan gusta sali keiru, esepialmente kore baiskel den Vondelpark.



Na sèptèmber di e mèsun aña ei Boy ta bai studia na Oudenbosch. Su ruman hòmbernan i ruman muhé ta sigui nan estudio na otro siudatnan den e pais.



Ei e ta studia pa tenedó di buki.
Pero sinta ketu no ta nada p'e.



Kerido Boy,
Bini kas libé,
por favor. Tin
peliger di guera!

Kerida mama,
Mi ta keda abi.
Kas ta bai drecha.
No preokupá!

Boy

Djei tin e menasa di
un guera. Meskos
ku mayoria di e
hulandesnan Boy ta
suponé ku Hulanda
lo no partisipá.
P'esei e ta keda
Hulanda.

Pero ora e alemanan
invadí Hulanda dia
10 di mei 1940, niun
hende no por sali for
di pais mas.



HENTER
STAT TA
PLATI

E
ALEMANAN
TA SMELAP

Despues di e bombardeo riba Rotterdam
Boy i su ruman hòmber Nicky ta bai wak.
15 kilometer largu nan ta kore baiskel pa
bai wak e siudat destruí.



Durante guera e ta topa Luis de Lannoy di Kòrsou,
su promé amigu di bèrdat na Hulanda. Nan amistad
ta pone ku Boy ta bishitá Tilburg hopi. Asina e ta
drenta den kontakto ku otro antiano.



ASINA SI
NO POR!

Boy i su amigunan ta mira miseria di e guera;
persekushon di hudi, violensia di e nazinan i e
skarsedat di pertenensia ta duna nan rabia. Tin bia
Boy sa hasi ko'i fresku tambe ku e alemanan.



For di kuminsamentu Luis de Lannoy ta partisipá na akshonnan den resistensia. Boy ta yud'é.



Boy ta djòin un grupo den resistensia i ta pega trùknan aleman na kandela.



Tambe e ta yuda pilotonan aliado yega e parti sùit di Hulanda ku ta liber via di un ruta di huida.



Na 1942 Boy ta hañ'é ta bandoná Tilburg. Su koló skur ta hala muchu atenshon den e hulandesnan blanku i ta forma un peliger p'é.



Boy ta bai biba skondí na Oisterwijk. Pero e ta keda den resistensia. E grupo di resistensia aki ta operá na un burderèi, for di riba un zólder unda ta stiwa yerba seku.



Nada no por para Boy. No opstante e peliger e ke partisipá na mas tantu akshon posibel.



Na kuminsamentu di yùni 1944 Boy ta skapa di e alemanan na wowo di angua.



E ta hibando tres piloto na un adrès skondí. Pero ora nan drenta e kaya, nan ta mira algun vehíkulo militar pa operashonnan spesial. Nan ta baha na awa!



Dia 10 di febrüari 1944 e invasornan aleman ta kue su amigu Luis presu. Boy ta purba di liber'é, pero e ta faya den su intento. Boy ta logra hui, pero e sòldanan a mir'é.



Ya ku Boy ta hala muchu atenshon na Oisterwijk, e ta bai biba na Den Haag na 1944. Atrobe e ta djòin un grupo den resistensia.



Pero un dia kosnan ta bai robes. E grupo ta na Rotterdam. Un dia ku Boy a sali misa kana bai kas, nan ta rekonesé.



Durante su interrogashon e alemanan ta hasi Boy un oferta. E mag bai bèk serka su mayornan, basta e menta nòmber di su kompañeronan di grupo den resistensia. Pero Boy no ta reda nada.



Su siguiente dia ta hiba Boy Waalsdorpervlakte banda di Scheveningen. Aki nan ta fusil'é.



Doe, Nicky i Mimi ta bolbe Aruba despues di guera. Sin Boy...



Na 1946 famia Ecury a risibí un karta di Reina Wilhelmina. Reina a skibi ku, p'è, Boy ta un héroe.



Ta dera Boy na Aruba. Militarnan ta pará kantu di kaminda na ora di su entierio. Tur kaminda banderanan ta kologá háfestèngel. Ofisina i pakusnan ta será, pasobra tur hende ke ta na e entierio.



Hudiunan den Karibe




Kiosko di Chaim Kisilevich.

Durante Di Dos Guera Mundial hudiunan no tabata seif na Europa. Hopi hudiu bibá na Antia tabata prekupá pa nan famianan na Europa. Tin bia hudiunan na Europa tabata purba hui pa Kòrsou.

Pakus hudiu

Promé ku guera Chaim Kisilevich ta kumpra e kiosko akí na Handelskade Willemstad Punda, ku e sèn ku el a gana di su promé trabou. Ei e ta bende sigaria i limonada. Negoshi ta kana bon i e ta habri un pakus di bende paña pa hende hòMBER, La Buena Ventura, den Madurostraat Punda. Pegá kuné tin mas pakus hudiu manera El Louvre, La Moda, El Globo i Casa Cohen.



Un kaya komersial den Willemstad.

Pensa



Bo konosé un hudiu? òf un hende ku tin famia hudiu? Kiko e persona ei por konta bo tokante Di Dos Guera Mundial?

Huyendo ku barku

Durante guera hudiunan a hui pa Europa ku barku pa, por ehèmpel, Merka, pero tambe pa Karibe. Ora a yega e islanan, na promé instante gobernadó no a pèmiti e barkunan mara na waf. Despues di poko ratu a atmiti algun refugiado hudiu, pero hopi di nan a kai será na Boneiru. òf nan mester a bandoná e isla atrobe despues di tres luna.

Tabatin 86 refugiado hudiu na bordo di e barku Cabo de Hornos.



Será den un kampo

Ismaël tin 9 aña ora guera ta kuminsá. E ta biba na Boneiru. E ta mira kon nan ta sera hende ku pasport aleman òf oustriako den un kampo. Den nan tin hudiu.

Les a historia di e kampo na página 40.

Ismaël: ‘Den e kampo tabatin aleman. Sòldánan tabata vigilá nan. Mi mama tabata kushiná pa e hendenan den e kampo.’

Famia leu fe kas

Ehudiu Paul Ackerman tin 6 aña ora guera ta kuminsá. E ta biba na Kòrsou.

Les a kiko a pasa ku hudiunan na Europa na página 34.

Paul: ‘Durante guera nos no tabatin kontakto ku nos famianan na Europa. Esei tabata hopi duru.’

Mi tabata rebeldiá kontra e nazinan na Hulanda. Bo por lesa mi historia na página 50.

Un flur di tera

Esaki ta interior di e sinagoga ‘Snoa’, na Kòrsou. Un sinagoga ta un lugá unda hudiu ta resa na Dios i ta studia nan bukinan sagrado. E sinagoga akí ta spesial komo ku e suela ta tapá ku tera. Te dia djawe e sinagoga ta den uso.



Bo tabata sa ku George Maduro tambe tabata hudiu?

Despues ku
e **nazinan** a
konkistá Hulanda
stap pa stap a
kita tur derechi
di e hulandesnan
hudiu.

ESKLUÍ, PERSIGUÍ, MATÁ

HITLER TA YEGA
NA PODER NA
ALEMANIA.



MAYORNAN DI
ANNE FRANK
TA HUI FOR DI
ALEMANIA PA
HULANDA KU NAN
YU MUHÉNAN.

KRISTALLNACHT: (NOCHI DI KRISTAL:)

NAZINAN TA ATAKÁ POPULASHON HUDIU NA
ALEMANIA, TA DESTRUÍ PAKUS I KASNAN DI
ORASHON ÒF TA KIMA NAN.

‘Bo no por imaginá bo kiko nos a enkontrá.
A kibra tur kos na wèrki. A ranka lampi for di
plafòn, a hak e piano na dos. A bòltu delaster
un kos den pakus di mi mayornan.’

Mirjam Weitzner-Smuk, e tempu ei 8 aña



Mirjam a sobreviví 5 aña
kampos di konsentrashon.
A mata su mayornan,
ruman muhé i sud.



TA BARKA SIERTO MUCHA HUDIU DI
ALEMANIA NAZI PA INGLATERA, HOPI
BIAHA KOMPLETAMENTE BANDONÁ,
SIN NAN MAYORNAN. NA INGLATERA
NAN TA SEIF.

KONSTRUKSHON DI
KAMPO WESTERBORK
PA REFUGIADONAN
ALEMAN-HUDIU.

ÁMTENARNAN
HULANDES
MESTER FIRMA UN
**DEKLARASHON DI TA
ÁRIO.**

TA RETIRÁ
TUR ÁMTENAR
HUDIU.

JANÜARI
30

DESEMBER
5

9 PA 10 DI
NOVEMBER

DESEMBER

OUGUSTÙS

ÒKTOBER
5

NOVEMBER
21

1933

1938

1939

1940

STICHTING
"Z W E M B A D"
"SCHUAGT"
M P E N % L E K - L E K K E R K E R K

Voor
Jouen verboden



NO TA PERMITÍ HUDIU MAS PA BISHITÁ PISINA,
PLAYA ÒF PARKE.

RAZIA DEN AMSTERDAM, TA
ARESTÁ 427 HÒMBER HUDIU I
DEPORTÁ NAN PA UN **KAMPO**
DI KONSENTRASHON.

TA REGISTRÁ TUR
ESNAN KU TA
HUDIU.

Geografia

E tabatin un insuficiente
pa geografia e lastu dia ei,
pero un siman despues e
falta un palabra kisas 'sa' unda
Treblinka tabata keda.

Djis un ratu so

Sakà for di: Trintisinku
lógima pa Ida Vos, 1985.

MUCHA HUDIU MESTER BAI
SKOLNAN HUDIU APART

Ida Vos (e tempu ei 10 aña) mester a bai
Skol hudiu den Bezemstraat na Den Haag.
Di e 35 muchanan den su klas 4 so a
sobrebibi guera, bôu di ken Ida. Despues
el a bira eskritor. El a skibi buki i poesia
tokante e guera.



TA PEGA BÒRCHI KU TEKSTO MANERA
'PROHIBÍ PA HUDIU', NA PARKE DI
BESTIA, KAFETARIA, RESTORANT,
TEATER I BIBLIOTEKA.

'Ora pa ora nos por a hasi
ménos kos... te un dia ni
eksistí nos no tabatin mag
di eksistí mes mas.'

Betty Goudsmit-Oudkerk

HUDIU NO MAG
BIAHA ÒF MUDA
MAS SIN PÈRMIT.

YANÜARI
10

FEBRÜARI
22

MEI 31

SÈPTÈMBER
1

SÈPTÈMBER
15

NOVÈMBER
7

1941

TUR HUDIU MESTER BISTI UN STREA DI
DAVID RIBA NAN PAÑA. NAN MES TIN KU
PAGA PA E STREA.

*Dia 20 di yùni Anne Frank
a skibi den su diario:
'Hudiu mester bisti un
strea di David; hudiu
tin ku entregá nan
baiskel; hudiu no mag ta den
outo... hudiu por hasi kompra di 3 or pa 5
or so; hudiu por bai un pelukera hudiu so...
Asina nos bida tabata sigui i nos por a hasi
esaki no i esei no.'*



E ÚNIKO KOS KU
HUDIUNAN POR
A HASI AINDA TA
HASI KOMPRA
ENTRE 3 OR PA 5
OR. MAYORIA DI
KOMESTIBEL YA A
KABA E ORA EI.

TEATRO NASHONAL DI AMSTERDAM TA BIRA
UN LUGÁ KOLEKTIVO UNDA HUDIUNAN TIN KU
MÊLDU PA **DEPORTASHON**. TA TENE NAN SERÁ
EIDEN.

*Dia 25 di mart 1943 e hudiu Willy Alexander
a skibi den su diario di guera:
'Na e momentu akí tin 1.300 hende den e
teatro chikitu Hollandse Schouwburg'.
Ta hasi dje tantu kalor ei ku e hendenan
ta blo pidi awa pa bebe. Señoranan di
edat so por drumi riba kolchon.
Tin dos baño pa hende hònber i tres
baño pa hende muhé so pa e 1.300 hende-
nan i no mas ku un te dos labamano.'*

ANNE FRANK
I SU FAMIA
TA BAI BIBA
SKONDÍ.

TA YAMA E PROMÉ
HUDIUNAN
PA BAI KAMPO DI TRABOU
NA ALEMANIA.

HUDIUNAN TA RISIBÍ
UN SÉDULA 7KU UN J Ariba.

Benjamin Pais di ocho aña i su ruman muhé di
nuebe aña ku e strea di David. A tira nan mata
dia 23 di novèmber 1942 na Auschwitz.



* HUDIU

YANÜARI
23

MEI 3

YÜNI 30

YÜLI 4

YÜLI 6

YÜLI 17

YÜLI 20

1942

Lothar Gold mester a bai ku transporte di mucha huntu ku su mama Gerda. Djis promé ku nan salida nan a duna nan bisinanan e potrèt akí. "Rekuerdo di nos tres. Famia Gold," tin skibi patras di e potrèt.

Dia 11 di yùni 1943 a mata Lothar na Sobibor. E tabatin 12 aña di edat.

E ÚLTIMO TREIN DI KAMPO WESTERBORK PA AUSCHWITZ.

Kosnan tabata keda insigur te na e último dia fatal, ora tur hende haña tende ta ken tin ku bai. Esun ku tabata tende nan yama su nòmber tabata sa ta kiko e tin ku hasi. E tabata lanta para, piki su pertenensianan den e mésun maletin, mochila òf saku pa war-da paña aden ku el a yega kampo Westerbork kuné. Djei tabata kaminda pa e kaya prinsipal banda di e liña di trein unda ya e trein largu tabata pará, kla pa bai.

Fuente: www.kampwesterbork.nl

Pensa



Abo por splika e sintimentu ku bo ta haña ora bo tende e palabra eksklui?

Monumentu na e anterior tereno di Kampo Westerbork ku un pida pida pa kada víktima asesiná.



TA DESKUBRÍ ANNE FRANK IS SU FAMIA I TA DEPORTÁ NAN. TA TATA DI ANNE SO TA SOBREBIBÍ GUERA.

TRANSPORTE DI MUCHA DI 1.269 MUCHA KU NAN MAYORNAN PA **KAMPO DI KONSENTRASHON** SOBIBOR NA POLONIA.

TUR HUDIU KU TA BIBA PAFÓ DI E SIUDATNAN GRANDI MESTER MÊLDU NA KAMPO VUGHT.

NAZINAN TA DEKLARÁ AMSTERDAM 'JUDENREIN'. (NO TIN HUDIU MAS DEN AMSTERDAM).

HULANDA LIBERÁ. HUDIUNAN HULANDES MESTER SIÑA BIBA KU PÊRDIDANAN GRANDI. A MATA 104.000 HENDE. HENDE HÒMBER, HENDE MUHÉ, MUCHA, WELA, TAWELA, RUMAN HÒMBER I RUMAN MUHÉ.

YÜNI 6 I 7

SÈPTÈMBER 29

OUGÛSTÙS 4

SÈPTÈMBER 13

NOVÈMBER

MEI 5

1943

1944

1945

IMPOSIBEL PA GARA

Bon pensá ta difísil kapta ku a mata miones di hende hòmbler, hende muhé i mucha hudu den Europa. Tòg el a pasa. I ta importante pa nos siña di dje i pensa ariba.

Hasi loke tin pará akibou i usa e artíkulo ‘Ekskluí, persiguí i asesiná’, na e páginanan anterior. Marka un krus pa indiká kiko bo a hasi.

■ Pone un sirkulo pretu rònt e suseso di 30 di yanüari 1933.

■ Pinta un flor komo símbolo di konmemorashon na e potrèt di famia Frank.

■ Pasa un krus den e palabranan NO i PROHIBÍ.

■ Suprayá nòmber di e skol na unda Ida Vos a bai skol.

■ Anne Frank ta skibi ku e huduinan mester a entregá nan baikel i ku a prohibí nan di hasi uso di outo. Pinta dos marka di pia na su teksto.

■ Hala un sirkulo rònt di tur sifra ku tin di aber ku mucha.

■ Pinta un bela komo símbolo di konmemorashon na e potrèt di Lothar Gold.

■ Pone un krus na un teksto òf un potrèt kaminda abo a sinti bo tristu.

■ Hala un sirkulo kòrà rònt algu di kua bo no sa sigur si el a sosodé di bèrdat òf no.

Pensa



E página aki ta yuda bo pensa riba e susenonan aki?

SIGUI KONTA E HISTORIA



Den kada famia bo ta haña historianan di libertat i falta di libertat: nan ta trata di guera, huida, sklabilitut. Hopi bia hende ta sigui konta e historianan akí. Asina nos no ta lubidá nunca loka a pasa.

Kiko bo ta bai hasi?
Bo ta bai papia ku un hende tokante Di Dos Guera Mundial, huimentu, sklabilitut òf otro formanan di falta di libertat. Bo ta skucha e historia bon pa bo por sigui kont'é.

Ku ken bo ta bai papia?

.....

.....

TEP: Bo no por haña un hende ku por konta bo un historia? Mester tin lugánan den bo bario, manera un **monumentu** ku ta mará na un historia. Podisé bo mener òf bo yùfrou di skol por yuda bo ku esei. Tambe bo por wak tur historia di testigunan ku a mira tur kos ku nan propio wowo, den tiny.cc/cdbfilmpjes

Di kiko e historia ta trata?

.....

.....

.....

.....

.....

Kon bo ta bai kòrda e historia?

- ☐ mi ta skucha masha bon
- ☐ mi ta grab'é riba mi telefòn (puntra pèrmiso promé)
- ☐ mi ta hasi anotashon
- ☐ mi ta hasié asin'akí:

.....

.....

.....

TEP: Tambe bo por skibi e historia, kant'é, pint'é...

Na ken bo ta sigui konta e historia?

Bo por klùr na hòki.

- ☐ na mi klas
- ☐ na mi mayornan
- ☐ na mi amigunan

☐ na

Kon lo bo por konta e historia na e manera di mas bunita?

Klùr e hòki ku e tep ku bo ke usa.

- ☐ pensa kua ta e parti ku mas suspenso òf di mas bunita di e historia
- ☐ ensayá kontamentu di e historia ku un persona ku bo ke tèst riba dje
- ☐ papia trankil i tene un pousa kòrtika ratu ratu
- ☐ Konta bo públiko e historia di tal manera ku e ta komprondé kiko e personahe prinsipal a pasa aden.

SERÁ NA

Durante guera tin hende bibá na Antia ku ta miembro di **NSB**. Tambe aya tin hende bibá ku pasport aleman òf oustriako. Tur e hòmbènan, muhénan i muchanan ta kai será dia 10 di mei. Nazi-Alemania a okupá Hulanda i konsekuentemente e islanan tambe ta den guera maske nan no ta okupá. Gobièrnu di e islanan ke kue tur sorto di enemigu sera.

Hende muhé i mucha den kampo Playa Pariba.

BONEIRU

Den purá ta konstruí kampo Playa Pariba na Boneiru. Tanten e hendenan ipak riba otro ta keda den un skol na Boneiru i den sèlman di polis na Kòrsou. Ora e kampo na Boneiru ta kla, ta manda e hendenan Playa Pariba. Den e kampo tin diferente kasita i edifisio mas grandi ku dos hèki grandi rònt di nan. Tambe tin toreannan di vigilansia pa tene e presunan na bista.



Kampo Playa Pariba na Boneiru.

Hasi



PLAYA PARIBA

Wak e potrèt bon.
Bo ta mira kampo
Playa Pariba. Kiko
mas bo ta mira? Bo ta haña ku
e parse un prizòn?

.....

.....

.....

.....



Vigilantenan ku reflektor na e kampo na Boneiru.

HUI

No tin vigilansia estrikto na kampo Playa Pariba. Na 1941 un grupo di presu ta purba hui. Nan ta pasa bou di e waya di sumpiña i hòrta un boto. Ora ya nan a pasa Kòrsou ta bolbe kue nan presu hiba Boneiru.



Gobernador Kasteel ta papia ku un grupo di refugiado di Hulanda.

BRUÁ

Na Europa nazinan ta **persigui** hudiu. Pero na Boneiru tin hudiu ku a hui for di alemania sintá huntu den e mèsun kampo ku alemannan ku ta pro **nazi**!

Tin be tin pleitu ta lanta entre e diferente gruponan i hende ta treitu otro. Pa evitá violensia ta saka e habitantenan hudiu for di e kampo. Nan ta bai kampo Guatemala, na un otro sitio na Boneiru. Den kampo Guatemala nan ta haña mas libertat i sosiegu. Tin mas vigilansia sí i tenementu na regla. Ku tempu nan por bandoná e kampo tambe.



MONUMENTU?

Na e lugá kaminda tabatin e kampo na Boneiru, awor no ta mira nada mas. Lo mester bini un **monumentu** aya pa e kampo?

E refugiado hudiu Charles Leider no tabata di akuerdo ku tur e reglanan. El a skibi mando di kampo un karta: 'Mi no ke mèldu tur mainta na ofisina di polis mas. Tambe mi tin gana di tin un radio. Banda di esei mi ke sali pafó anochi.' Desafortunadamente nada no a kambia.

ZAKGELD

No por kompará e kamponan na Boneiru ku kamponan di e nazinan na Europa.

Na Boneiru e hendenan ta haña poko zakgeld, i nan mag manda i risibí karta. Nan tin un biblioteka chikitu i un fèlt di deporte. Tin be nan por hasi un keiru pafó di kampo tambe, bou di vigilansia. Tòg hopi habitante di kampo ta haña ku ta kos di falsu ku a kue nan presu.

Nunka no tabatin un kousa sivil. Pues nan no sa presis kon bini a detené nan ni nan no por hasi nada tampoko pa haña nan libertat bèk.

KAMPONAN DEN EUROPA

Durante guera nazinan ta kue hudiu i otro grupo di hende sera na Europa. Ta hiba nan **kampo di konsentrashon**, manera esun di Auschwitz. Einan ta mata miones di hende, hende hòmber, hende muhé i mucha inmediatamente. Otronan mester hasi trabou pisá tur dia. Nan ta haña masha poko di kome i tin hopi malesa. Asina hopi di e hendenan akí ta muri di tur manera.

Na tur a mata 6 mion hudiu i mîles di **roma i sinti** durante Di Dos Guera Mundial.

Hasi



HUES

Pakiko ta asina importante pa tin hues?


.....

.....

.....



Ismaël Soliano tabata biba pegá ku e kampo. Lesa su historia na tiny.cc/ismaelsoliano.



Prisioneronan di kampo Playa Pariba.

E
TEMPU
E

Refugiadonan hudu for di Alemania na kaminda pa Merka ku barku. Pero nan no por dreña Merka i e barku tin ku bai Europa bèk.

KORE

AWOR

Wardakosta a skapa e grupo di refugiado di Benesuela aki. Hopi refugiado ta krusa laman den boto kibrá.

Janina, mas o ménos
15 aña di edat



E TEMPU EI SO SO

Janina Katz, hudíu, ta lanta na Polonia. Dia guera estayá e tin 7 aña. Na òktober di 1947 e ku su mama i ruman muhé ta skonde pa e Nazinan den un bodega. Ta deskubrí nan i ta hiba nan na un plenchí. Ei tin mas hudíu detené. Mama di Janina ta bis'é pa e kore bai mas duru ku e por. Esei Janina ta hasi. E tempu ei e tin

10 aña. Asina Janina ta skapa for di man di **enazinan**, pero e ta kompletamentu so. Hopi hende no ta riska na yud'é. Nan tin miedu ku e ora ei ta detené nan. Afortunadamente e ta sobreviví guera. Na 1947 e ta bin Kòrsou unda tio ta biba ya pa hopi aña. E pakus Janina den Punda ta di dje, di su rumannan i su ñetunan.

Den tur guera hende ta hui. Tin bia hende ta hui pa bòm, violensia i hamber. Tin bia nan ta hui pasobra ta persigui nan pa ta e hende ku nan ta. Asina tabata ántes i ketu bai esei ta pasa tur dia. Hasta ora no tin guera, hende ta hañ'é ta bandoná su pais.








Un historia di Krus Kòrá

AWOR SIN FUTURO

Krus Kòrá ta akohé e wela akí ku su dos ñetunan. Nan a hui for di Benesuela. No a permití mayornan di e yunan keda Aruba i a manda nan Benesuela bèk. Esei a hasi e wela ku su ñetunan hopi ferdrit. Benesuela ta masha pover i tin un diktador na poder. Kosnan esensial manera kuminda i medisina no tin. P'esei hopi hende no ta mira un futuro pa nan den nan pais. Nan ta hui i hopi biaha entamá biahenan peligroso. Na Aruba, Boneiru i Kòrsou tin basta refugiado di Benesuela. Tin poko yudansa pa nan.



REALIDATNAN TOKANTE HUIMENTU

-  Tempu ku Hitler tabata na mando na alemania, hopi hudiu a hui.
-  Hende no ta hui ora tin guera so, nan ta hui tambe pa pobresa i desempleo.
-  Miéntras bo ta lesando esaki, awendia tin kasi 80 mion hende na henter mundu ku ta huyendo.
-  Mayoria di refugiado na mundu ta bini di Siria, Afghanistan, Benesuela, Sudan-Sùit i Myanmar.
-  Mas ku mitar di e refugiadonan ta mucha bou di 18 aña.
-  Refugiadonan for di Suramérica i Sentroamérica ta purba na yega Merka via e islanan den region Karibe. Na Aruba i Kòrsou so kaba mîles di hende ta yega kada aña.
-  Refugiadonan den region Karibe hopi biaha ta bini di Benesuela, Colombia, Repùblika Dominikano i Haiti.



Shyar Ahmed, di 14 aña, a pèrdè su man robes den su huida pa guera. E potrèt akí ta saká den un kampo pa refugiado na Turkia.

Pensa



Unda bo por buska amparo dado momentu ku bo ta haña bo ta hui?





Hende ku mester hui por hiba masha poko kos bai kuné.

Pone bo mes na prueba: bo tin masha poko tempu pa bo para pensa. Kiko lo bo bai kuné? Tene kuenta ku tur kos mester por drenta bo maleta.

Pensa



Kon tòg bo por karga hiba bo pertenensianan ku bo, siendo ku nan no ta drenta bo maleta?

Kiko bo por hasi kontra inhustisia?

*Ora un hende kometé un **INHUSTISIA** kontra bo, e hende ei ta trata bo falsu.*

Kiko abo ta hasi ora bo mira ku ta kometé un inhustisia kontra otro hende? Tin hende ku ta bira kara wak un otro banda. Pero tin hende tambe ku ta dreña akshon. Anton de Kom tabata un persona asina.

ESAKI TA ANTON DE KOM.
Anton de Kom ta di Sürnam.

ESAKI TA NEL DE KOM.
Nel ta di Hulanda.

Libertat ta masha importante pa Anton de Kom. E ta haña ku tur hende mester ta liber. Den tempu di sklabitut hopi hende na Sürnam no tabata liber. E ta skibi un buki tokante esei.

ESAKI TA NAN YUNAN.
AD, CEES, TON I JUDITH DE KOM.



Anton de Kom ta lanta na Sürnam. Tata di Anton ta nase komo katibu ainda na un plantashi. Ta abolí sklabitut poko tempu despues. Pero ainda desigualdat ta sigui eksistí na Sürnam. Anton, por ehèmpel, no por haña trabou despues di su estudio, pasobra e ta pretu. Na 1921 e ta muda pa Hulanda. Ei e ta haña trabou i ta kasa ku Nel. E ta skibi tokante historia di Sürnam i sklabitut. E ta di opinion ku hende na Hulanda mester sa loke a pasa na Sürnam. Durante guera e ta skibi pa e korant di resistensia De Vonk riba loke ta hasiendo ku e hudiunan. Esaki ta e motibu pakiko nazinan ta detené dia 7 di ougùstùs 1944. E ta muri den un **kampó di konsentrashon** na alemania.



Papí'è: Abo por ku inhustisia?

Bùrt pa bùrt ta skohe un ponensia. Esun ku a hasi su eskoho, ta kontestá komo promé. Ora e kaba di kontestá e ponensia, ta skrap e. Djei ta kambia turno. Kada ken tambe por pensa un ponensia.

Sali na defensa di otro hende ta mas importante ku bo mes siguridat. ☐

Bo mag usa violensia kontra inhustisia. ☐

Aktonan chikitu di resistensia ta mes importante ku aktonan grandi. ☐

Ora bo bira kara pa inhustisia, bo tambe ta kulpabel. ☐

Papia bèrdat ta mas importante ku bo mes siguridat. ☐


.....
..... ☐

Resistí ta mas fásil ku e ta zona. ☐

Protehé bo mes famia ta mas importante ku defendé un hende ku bo no konosé. ☐

.....
..... ☐

Siudat chikitu pa un héroe grandi




George Maduro tin 10
aña ora e ta muda di
Kòrsou pa Hulanda.



E ta bai skol sekundario
na Den Haag.

George ta sera
amistat ku
Eric Hazelhoff
Roelfzema. Awor
konosí komo Söldá
di Oranje.



George ta bai studia na
Leiden. Pero djei guera ta
estayá. Söldánan aleman
ta invadí Hulanda.

George ta bringa den
ehérsito hulandes.
Mesora e tin ku dreña
akshon.

Pegá ku Den Haag alemannan ta
okupá un kas.
George i su hòmbèrnan ta kore
ku nan. Ku 1 mitrayür so!



E kos ta ku George
a pensa un triki.

Kada be nan ta posishoná e arma na un otro
lugá. Asina e alemannan ta kere ku tin un
grupo grandi di söldá pará pafó.



Pa por dreña e lanthüis George i su hòmbèrnan
tin ku krusa un brüg koré. E alemannan tin nan
skopètnan dirigi riba e brüg.
George ta duna un señal i nan ta kore krusa e brüg
mas duru ku nan por. George ta na kabes.





Di e manera ei George i su hòmbèrnan ta konkistà e lanthùis. Algun sòldà ta hui, e otronan ta kai presu.



George ta skonde i ta drenta den resistensia. Pero na ougùstùs 1940 tòg nan ta arest'è. Dos siman largu e ta sinta den Hotèl Oranje (un prisòn). E ta sali liber pero despues di mei aña nan ta bolbe deten'è. Su mayornan riku por kumpr'è liber, pero esei George no ke.





MI TA PREFERÁ KEDA DEN PRISÒN I NO DUNA E ALEMANAN EI NI 1 SÈNI



E ta kai será te dia 19 di desèmber 1941. Ku plaka di su mayornan e por biaha bai un lugá seif despues. Pero e ta keda, pa e lucha.



Hudiunan manera George mester bisti un strea hel. Pero George no. E ta kana liber riba kaya i e no tin kunes ku peliger.



George ta skonde na diferente adrès. Den un di e kasnan tambe dos sòldà aleman ta biba.






Un di e alemanan ta asta drumi den e kamber pegá ku George! Pero p'e no ta niun problema.

AKI NIUN HENDE NO TA BIN BUSKA MI HAMASI





George ta bai prisòn na alemania. E ta hinka kurashi den e otro prisoneronan i ta duna e bon ehèmpel e mes. Asina, pa medio di dje, nan ta karga speranza.



Algun luna promé ku
guera terminá, George
ta muri na e malesa di
tifüs di mancha.



Mayornan di George Maduro ta
masha tristu.

Tur loke nan tin ainda ta algun
pertenensia, manera skreft di
skol, su sapatunan di futbòl i
su ùnifòrm.



E ora ei un amiga ta bini ke e idea di krea e
siudad di mas chikitu di Hulanda. Mayornan
di George ta sostené e proyekto.
E ta bin haña komo nòmber: Madurodam.



Madurodam ta
un mini siudad
konstruí di imi-
tashonnan chikitu
di edifisyonan na
Hulanda. Miles di
bishitante ta bai
keiru aya tur aña.

Madurodam ta un
monumentu pa George.
Asina no ta lubid'é hamas.
Despues di su morto
George te risibí e medaya di
mas importante di ehérsito.



**E ÒRDE MILITAR
DI WILLEM**



Bo por bai wak e kas natal
di George Maduro na
Kòrsou.

FIN

NOS ta LIBER!

Na kuminsamentu di 1941 presidente merikano Roosevelt tabata preocupá pa loke tabata pasa na mundu. Na e momentu ei Merka ainda no tabata partisipando na e guerra.

E tempu ei presidente Roosevelt a tene un diskurso tokante libertat. El a menshoná 4 libertat (Four Freedom) ku e tabata haña masha importante. Kada persona na mundu lo mester tin nan pa realmente por biba liber.

Hasi



LIBERTAT?

Lesá e historianan di e hendenan. Nan no tabata liber. Awor sí, afortunadamente. Nan ke kontanan historia. Na kua libertat kada un nan historia ta pertenesé? Hala e liñanan.



Adam
ta di
Siria.
E pais
ei ta
den guerra.

Adam tin masha miedu di e bòmnan. E mester hui i pa hopi tempu e no ta mira su tata. Awor Adam ta biba na Hulanda, den libertat.

LIBERTAT DI EKSPRESHON

Bo mag bisa loke bo ta pensa, tambe ora bo no ta di akuerdo ku gobièrnu.

LIBERTAT DI POBRESA

Bo no tin preocupashon pa kuminda, paña òf un kas.

LIBERTAT DI RELIGION

Bo mag kere den loke bo ke.

LIBERTAT DI ANSHA

Bo ta seif, bo por drumi trankil.

Tineke ta di India-Oriental-Hulandes, awendia Indonesia. Na 1944 sòldadanan hapones ta **invadí** e pais. Ta sera Tineke pa hopi aña largu den su mes kas, huntu ku 17 famia. Nan no mag sali pafó pa kumpra kuminda i nan ta sufri un hamber teribel. Nan ta kome asta e karakolnan den kurá. Tineke ta sobreviví guera.



Danial ta di Siria. Den e pais ei tin regla masha severo, diktá pa e lídernan. Esun ku no skucha, òf esun ku bisa su opinion na bos haltu, por haña kastigu di morto. Pa Danial i su famia nan pais no tabata seif. Nan a hui. Awor nan ta biba na Hulanda, den libertat.



Mieke ta hudiu. Durante Di Dos Guera Mundial ta detené e ku su mayornan i su ruman muhé chikitu i ta sera nan den un **kampo di konsentrashon**. Pa e solo motibu ku e ta hudiu. Mieke ta sobreviví guera.

Wak



E hendenan aki sa kon ta pa NO ta liber. Nan ke kompartí nan historia ku bo. Bo mes por hasi nan pregunta. Wak na www.wijzijnvrij.org

Pensa



Kua di nan pa abo ta e libertat di mas importante?

DERECHO DI HENDE

Eleanor Roosevelt, ta kasá di e presidente merikano den Di Dos Guera Mundial. Na 1944 e ta bishitá e sòldánan merikano na Aruba, Boneiru i Kòrsou. Su biahenan durante guera ta konfront'é ku hopi miseria. Despues di guera e ta skibi un teksto tokante derechi di hende. Kasi tur pais ta di akuerdo kuné pa loko ta e teksto. Ta yamer ku no tur pais ta tene nan mes na e palabrashonnan. Tòg ta masha importante ku e palabrashonnan aki t'ei.



BRIË SUËTER pa HULANDA

Habitantenan di islanan karibense ta biba ku e hendenan den Hulanda okupá. Pasobra nan tin e difisil. Na Hulanda no tin sufisiente kuminda ni paña pa wanta friu. E ehérsito di **aliadonan** mester di plaka pa por kombati e **nazinan**. Den region Karibe ta hasi tur loke por pa yuda.

E stampianan akí ta mas karu ku e tarifa normal pa manda karta. E sèn èkstra ta pa yuda Hulanda den su lucha.

KUMPRA UN AVION

Hende na Aruba huntu ta spar pa un avion pa lucha kontra e nazinan. Pa dos florin ku sinkuenta sèn bo por kumpra un lòt pa bo gana 5.000 florin.

Awendia esei lo ta mas o ménos 17.000 dòler merikano. Pero loke ta mas importante ainda: ku e lòt bo ta sostené e asina yamá fondo Spitfire. Ku e plaka di e fondo ei ta kumpra un avion Spitfire. Ta yama e avion Aruba.



Chris Engels, fundadó di SANOC
(Sosten Na Viktimanan di Guera
Curaçao)

‘Dia ku mi a bai kolektá
plaka, aki aya mi ker a salta
poko kasita pover, pero e
hendenan a sali bin pafó
i bisa: “Dòkter, mi ta bon
pa un fuerte pa e pover
Ulandesnan?”’

Tin hende ku ke yuda Hulanda ku
mas ku plaka den guera. Nan ta djòin
ehérsito hulandes komo boluntario.
E señoreanan kurasoleño riba e potrèt
akí ta kla pa biaha bai Australia. Nan
ta bai yuda aliadonan den e lucha
kontra haponesnan.



Ena na traha promé ku su presentashon.

SPAR DÒPI

Ta spar dòpi, papel rondó di repi di chukulati, delaster un kos ta spar pa e ehérsito merikano. E dòpi i envolturanan di e tempu ei ta trahá di staña. Por usa e material ei di nobo. Pa e kolekshon di dòpi i envoltura e hendenan tabata haña algu di sèn. Nan tabata duna e sòldánan e sèn ei.

BALIA I HASI DEPORTE

Tur kaminda ta organisá konsierto, nochi di baile i aktividatnan deportivo. Ena Dankmeijer-Maduro ta yuda ku organisashon di aktivatnan na Curaçaose Sport Club. Tin kompetensia di deporte i baliamentu te den oranan chikí di mardugá. Debí na e blèkout tòg no tin nada otro di hasi.

E plaka kolektá ta bai pa bon karidat ku e meta pa yuda aliadonan i hulandesnan den guera.

Ena i su amiganan ta sòru pa e dekorashonnan i e pasapalunan. Tambe nan ta duna un presentashon de bes en kuando.

He Comes FIRST!*



CHOCOLATE and COCOA

Fight with Our Forces Around the World

If your dealer is sometimes out of Nestlé's Chocolate and EverReady Cocoa, here's why:

1. These Chocolate Bars make up U. S. Army Emergency Ration D.
2. A Chocolate Bar is the dessert for supper in U. S. Army Field Ration K.
3. A Cocoa Beverage Powder is included in U. S. Army Field Ration G.
4. Chocolate Bars (Ration D type) are contained in Naval Afloat and Light Ration.
5. Breakfast Cocoa is served to Soldiers, Sailors, and Marines.
6. Chocolate Bars, Hot Chocolate and Chocolate Flavored Drinks by the millions boost the morale of our Soldiers, Sailors, and Marines at Post Exchanges and Ship Service Stores all over the globe.
7. Chocolate Bars and Hot Chocolate in large amounts are distributed to our Fighting Men by the U.S.A.R.
8. Chocolate and Cocoa in large quantities are given by the Red Cross to American boys who are sick, wounded, or Prisoners of War.
9. Chocolate Bars and Cocoa are a part of many Lend-Lease shipments.
10. Chocolate Bars are included in Life Boat Emergency Rations of our Merchant Marines.

Chocolate is a
FIGHTING FOOD!

BACK THE ATTACK . . . BUY U. S. WAR BONDS AND STAMPS

* PROMÉ MI CHUKULATI

BRÈIMENTU

Mester di paña pa wanta friu pa Hulanda. Hende den Karibe naturalmente no tin esei den na kashi. Ta p'esei ta start un brèimentu. Masha hopi brèimentu mes. Anto figurá bo ku mayoria di e hendenan na e islanan nunca no a yega di tene un angua di brèi!

DUNA PLAKA

Kolaboradónan di empresanan antiano ta kolektá plaka. Ku e sèn ei ta lanta un fondo. Ta pa kumpra arma pa e lucha kontra nazi-Alemania. Asina e hendenan na e islanan karibense ta purba na yuda Hulanda.



MASHA HOPI PLAKA

Na Aruba so kaba ta kolektá (konvertí na awor) 3.1 mion florin. Masha hopi karta di gradisimentu ta yega for di Hulanda. Mayordomo di Zutphen ta skibi por ehèmpel:



‘Ta muchu bunita pa ta bèrdat. I tur esei ta un donashon di hulandesnan deskonosí ku ta biba masha leu.’

Monumento na Kòrsou pa gradisí tur yudansa ku nos a haña.

BISHITA ROYAL

Kas Royal hulandes ta kontentu ku e yudansa pa Hulanda for di e islanan karibense. Na 1942 prens Bernhard ta bishitá Kòrsou i Aruba. Mas despues prensès Juliana tambe ta bini di bishita.

Ku tempu e ta bira Reina di Hulanda. E islanan ta risibí prens ku prensès ku masha entusiasmo.



Prensès Juliana na San Martín.




Despues di su bishita na e islanan prensès Juliana a bisa:

‘E kordialidat ku e pueblo a risibí mi a tòch mi profundamente.’

10 TEP pa YUDA un otro hende

Durante guera hopi hende di e islanan karibense ta yuda e hendenan na Hulanda. Nan ta kolektá plaka i ta brèi suèter. Afortunadamente aworakí no tin guera serka nos, pero awor tambe tin hende ku ta pasa difísil. Ta dushi pa hasi algu pa un otro hende i esei por na hopi manera.



1 Artesania ta un fishi bunita. Por ehèmpel, traha un pulsera. Bend'é i destiná e sèn pa un bon kousa.

2 Kisas bo konosé un hende ku por usa un pida yudansa. Por ehèmpel, hasi kompra p'é òf yud'é ku limpiesa.

3 Organisá un marshe ku artíkulo di segunda mano. Duna e rendimentu na karidat.

4 Buska un organisashon den bo bario unda bo por duna un man komo boluntario. Por ehèmpel na un banko di alimentashon.

5 Hiba bo ko'i hunga òf pañanan ku ta bon ainda, pero ku bo no ta usa mas, na un bon kousa. Asina otro mucha por hasi bon uso di dje ainda.

6 Drenta akshon ku bo klas pa un bon kousa. Pensa un akshon grasioso i buska un spònser.

7 Organisá un car wash ku bo klas. Bende karchi pa un labá i duna e rendimentu na un bon kousa.


Bo tambe tin tep?

Skibi nan akibou.

8

9

10





ALMIRA (12 AÑA)
Kolegio Santa Famia

ALEYNA (12 AÑA)
Maria Immaculata Lyceum

DANIELLA (11 AÑA)
Joan Mauritssschool

BO SA MIHÓ ANTO!

Daniela, Almira i Aleyna ta papia tokante Di Dos Guera Mundial i di konmemorashon i libertat. Nan ta duna kontesta riba pregunta ku ta pone bo para ketu un ratu i pensa.

Kon e isleñonan tabata ripará ku na 1940-1945 tin guera?
Aleyna: Hende ku yu òf famia na Hulanda tabata prekurá pa nan seguridad.



ALMIRA

Almira: Tabatin blèkout na e isla. Despues ku solo baha no tabata permití pa tin lus. Ni lus di outo, ni lus den kas por ehèmpel. Tur kos mester a keda den skuridat pa e alemannan no bombardeá nos.

Abo sa un historia di guera, por ehèmpel di bo famia?

Aleya: Di mi famia no. Mi sa e historia di George Maduro. El a lucha pa nos na Hulanda. Mi a lesa un buki di strep tokante di dje. E tabata un bon hende.

Pensa Lesa e strep di George na página 28. Kua di su aktonan pa bo ta esun di mas balente??



ALEYNA



DANIELA

Habitantenan di e islanan tabata liber durante guera?

Almira: Promé mi a kera ku mucha no por a bai skol, pero tabata por tòg.

Daniela: Promé mi a kera ku mucha no por a bai skol, pero tabata por tòg. Daniela: Anochi no por a hasi muchu kos pasobra lusnan tabata pagá. Esei ta pone ku bo no ta sinti bo liber.

Bo ta sinti bo liber?

Daniela: Si, mi ta sinti mi liber na Kòrsou. Nos por bai skol, nos por siña i pensa loke nos ke. Tambe nos por kumpra paña i ko'i hunga.

Pensa



Bo ta sinti bo liber? òf no? Na kiko bo ta ripará esei?

Kua libertat lo bo no ke pèrdè sigur?

Aleya: Ku mi lo no mira mi mama mas.

Almira: Ku mi no por hunga pafó mas. Na sierto pais esei no ta permití.

Pensa



Kua libertat lo bo no ke pèrdè?

Tur hende ta mes liber?

Daniela: Mi no por mira mi famia pa motibu di Covid-19, komo e ta biba na Aruba. Nos no por biaha bai einan pasobra frontera ta será. Mi ta haña e kos ei hopi laf.

Pensa

Tin hende ku no ta liber awor? Ken?

.....

.....

.....

'Tur kos mester tabata den skuridat pa asina e alemanan no por a bombardeá nos'

Bo ta haña importante ku ta konmemorá Di Dos Guera Mundial? Di kon?

Almira: Si, pasobra ta parti di nos historia. Nos no mester lubidá esei. Tambe el a trese nos libertat. I nos hendenan a lucha p'e, meskos ku George Maduro.

Pensa

Skibi nòmber di un persona na e islanan ku tambe a luch pa libertat.

.....

.....

.....

.....

Abo mes tambe lo ke partisipá na un konmemorashon asina? Di kon?

Aleyna: Si, lo mi ke partisipá, pasobra hopi hende a pèrdè nan bida i asina nos por rekordá nan.

Pensa

I abo? Lo bo asistí na un konmemorashon? ☐ Si ☐ Nò.
Di kon?

.....

.....

Un konmemorashon mester trata di guera so, òf e por trata di otro susesonan tambe? Di kon?

.....

.....

Historia tin influensia riba ken bo ta?

Almira: Komo bo sa sierto kos di historia, bo ta wak kosnan rònt di bo di un otro manera. Mi sa awor kon bini nos zeta tabata asina importante den guera. Esei tambe a yuda nos pa nos libertat.

Pensa

Kua suseso den historia abo ta haña mas importante pa konmemorá?

.....

.....

.....

Libertat segun...



**HENSLEY
MEULENS**

Hensley Meulens ta un beisbolero famoso. El a nase na Kòrsou. Hensley a hunga na Merka i pa e tim hulandes. Kiko ta su pensamentu tokante libertat?

‘Mi a haña e libertat pa demostrá mi talentonan riba fèlt di deporte komo deportista. Pero e islanan ta muchu mas chikitu ku Merka, i esei ta pone ku bo ta ménos liber pa usa bo talentonan bon!’



‘Mi ta biba na Merka, pero esei tòg ta keda un pais straño. Na Kòrsou mi ta sinti mi realmente na kas i kompletamente liber.’



‘Tá liber ta importante, pero den deporte bo tin ku síña tambe kon bo ta komportá bo. Bo mester tin rèspèt pa otro!’



KIKO TA PAS KU OTRO?

- ① Aki bo ta mira libertatnan ku ta kuadra ku Hensley su ekspreshonnan.

Skibi e libertat korekto bou di e ekspreshon ku ta kuadra kuné.

Bo por bira esun ku bo ke ta.

Bo tin un lugá unda bo ta sinti bo seif.

Bo ta tene kuenta ku otro hende.

- ② Traha un tòp 3 di Hensley su ekspreshonnan. Number 1 bo ta haña mas importante i number 3 ménos importante. Skibi e numbertan na kada ekspreshon.

- ③ Bo tòp 3 ta meskos ku esun di bo kompañero di klas? Kua ta e diferensianan?



Kiko ta bos pensamentu tokante:

LIBERTAT?

E manera
liber ku nos ta
biba aki, na
masha hopi pais
no por.

Esta
dushi ku
nos por selebrá
fiesta riba
Dia di
Rincon!

Por selebrá fiesta na hopi manera. Boneiru **Dia di Rincon**, 30 di april.



**Kiko bo ta opiná di e ekspreshonnan akí?
Bo ta di akuerdo òf no di akuerdo?
Skibi bo kontesta riba e liña punta punta.**



1 Libertat no ta meskos pa tur hende.

Mi ta di akuerdo/no di akuerdo, pasobra...

2 E kos di mas importante pa un hende ta libertat.

Mi ta di akuerdo/no di akuerdo, pasobra...

3 Pa bo sinti bo liber, bo mester di sèn.

Mi ta di akuerdo/no di akuerdo, pasobra...

**Puntra un kompañero di klas kiko el a yena.
Boso ta bai di akuerdo ku otro?
Pakiko si, pakiko no?**

Pregunta tokante libertat

Kico ta boso opinion riba libertad? Hunga e wega aki y delibera cu otro.

Forma grupo di 3 òf 4 mucha. Kòrta e karchinan riba e página na banda den e buki. Pone e karchinan banda di otro di moda ku boso por mira tur pregunta. Lesa e reglanan di wega promé. Despues boso ta kontestá e preguntanan.

REGLA DI WEGA

- Un mucha den bo grupo ta skohe un pregunta i ta les'é duru pa boso.
- Tur mucha ta reflekshoná promé riba e pregunta.
- Djei boso ta papia den grupo tokante boso kontesta. Kada mucha ta haña un bûrt.
- Skucha otro bon. Laga e otro kaba di papia promé bo reakshoná.
- Purba di no kontestá ku 'si' òf 'nò' so. Splika otro bo argumentashon.
- Hasi un pregunta èkstra, manera: "Bo por duna mi un ehèmpel?", ora algu no ta muchu kla.
- Boso kontestanan parse otro òf nan ta diferensia bastante for di otro? Ta bai pa loke kada un di boso ta haña, pues tur kontesta ta bon.
- Awor un otro mucha den bo grupo mag skohe un pregunta i les'é duru. Sigui asina te ora boso pasa den tur pregunta.

ADULTO TIN
MAS LIBERTAT
KU MUCHA?

TEP: Si bo no ke kòrta e página den e buki, bo mes por traha e karchinan tambe.



**TA IMPORTANTE PA
SELEBRÁ LIBERTAT
RIBA DIA 5 DI MEI?**

**KUA KONMEMORASHON
ABO KONOSÉ?
I KUA PA BO TA MAS
IMPORTANTE?**

**BO TA HAÑA KU TA
TUR AÑA MESTER
SELEBRÁ ABOLISHON
DI SKLABITUT?**

**TA IMPORTANTE PA
DIA DI BANDERA TA
UN DIA LIBER?**

**HENDE GRANDI TA
MAS LIBER KU
MUCHA?**

**KUA LUCHADÓ PA
LIBERTAT PA BO TA MAS
IMPORTANTE?**

**SKOHE FOR DI: GEORGE MADURO / TULA /
ANTON DE KOM / BOY ECURY /
UN OTRO PERSONA**

**BO POR TA LIBER ORA
BO TA POBER ÒF ORA
BO TIN HAMBER?**

**LUBIDÁ DI DOS GUERA
MUNDIAL TA MALU?**



Vokabulario di guera

Deklarashon ário • Un formulario ku ámtenarnan (tur hende ku ta traha pa gobièrnu) mester a yena, den kua nan tabata deklará ku nan no ta hudiú. hudiunan no por a yena esaki, i asina a pèrdè nan trabou.

Okupashon • Un ehérsito òf un grupo ta okupá un pais ku no ta nan lugá.

Aliado • Un pais ku ta lucha sam sam ku bo.

Sensura • Eliminashon di teksto òf ilustrashon komo ku den un guera nan por duna e enemigu informashon.

Kampo di konsèntrashon • Un lugá kaminda hende ta presu.

Deportashon • Hiba un hende na un kampo di trabou òf un kampo di konsèntrashon.

Aliadonan • Aliadonan. Inglatera, Rusia, Canada, Merka i algun pais chikitu mas den Europa. Huntu nan tabata bringa kontra alemania, Italia i Hapon durante Di Dos Guera Mundial.

Personal di marina merkantil • Ku tabata traha riba barkunan komersial durante Di Dos Guera Mundial.

Monumentu • Un konstrukshon òf estatua ku mester perkurá pa hamas hende lubidá un suseso.

Nazi • Abreviashon pa natsional-socialist (sosialista-nashonal), siguidónan di Hitler.

NSB • Abreviashon pa Natsional-socialistische Beweging. Un partido polítiko pa hulandesnan ku tabata di akuerdo ku Hitler.

Sédula • Tarheta di identifikashon ku tur hende mester a kana kuné durante okupashon aleman.

Razia • Yagmentu di ehérsito òf polis riba hende.

Operashon pa mantenshon di pas • Akshon militar pa restourá pas òf pa mantené pas, den un área kaminda tin un konflikto armá.

Persekushon • Usa violensia kontra òf kapturá un sierto grupo.

Resistensia • Un grupo di hende ku ta oponé na e okupadó.

Roma y Sinti • Grupo di hende ku ta biba den diferente pais na Europa y ku tin nan propio idioma y cultura, antes tabata yama nan gitano, pero komo ku esey ta un palabra insultante (e kieren 'bandido ku ta biaha rond) no ta uza e palabra ey mas.

Torpedo • Un bòmb ku nan ta tira for di un boto, supmarino òf avion.

KOLOFON

© PUBLIKASHON

Komitê Nashonal 4 i 5 di mei
- Amsterdam 2021

ISBN 978 90 77294 30 7

PRODUKSHON I REDAKSHON FINAL

Sarah Feirabend

REDAKSHON I ASESORAMENTU

Cristan van Emden i
Julia Sarbo, Komitê
Nashonal 4 i 5 di mei

KONSEPTO, TEKSTO I REDAKSHON

Patsboem! Educatief

INVESTIGASHON, KONSEHO I DISTRIBUSHON

Stichting de Cultuur
Kameleon, Saskia Luckmann
i Yvonne Willemsen

DISEÑO GRÁFIKO I ILUSTRASHON

Suzanne Hertogs and
Anne de Laat (Ontwerphaven)

ILUSTRASHON

PORTADA, 8 T/M 13, 19, 28 T/M 31, 50 T/M 53

Karida van Bochove

IMPRESO

PrintSupport4U

E trabou imprimí akí ta manufakturá
di forma amikal pa medio ambiente.

IMÁHEN

The Netherlands Government
Information Service - Martijn Beekman
George Maduro family archives 20th
Century Fox, National Archives Aruba,
Brian Mead of www.handskrabblefarm.
com, Alamy Stockphoto - Bygone
collection, Knipselkrant Curaçao,
Antilliaans Dagblad, www.antillesatwar.
com, Oorlogsgraven Stichting, Beeldbank
WO2, NIOD, The Netherlands Institute
for Sound and Vision, Mongui Maduro
Library, National Archives Curaçao,
Berber van Beek - www.studiorootz.com,
Education Workgroup of foundation
Loods24, Jewish Historic Museum
Amsterdam, Collection Spaarnestad,
City Archives Rotterdam, Mirjam
Weitzner-Smuk, National Image Bank
- Harry Kors Photography, Bert Vos -
www.hetkoffertjevanidavos.nl, Getty
Images - Anne Frank Fonds Basel,
Collection National Monument Camp
Vught, Jeanette van Ditzhuizen, Skyview
Bonaire, Hollands Hoogte - AP,
AdobeStock - Reuters/Stringer, Red
Cross, Robert van Dongen

TRADUKSHON

Jacqueline van Zuijlen (tradukshon
ingles), Chantal Cooper (korekshon
ingles), Diana Domacassé-Lebacs
(tradukshon Papiamentu), Jeroen
Heuvel (korekshon Papiamentu), Desiree
Corre (tradukshon Papiamentu), Lilian
Semeleer (korekshon Papiamentu)

KU UN DANKI NA

Biblioteca Nacional Aruba, Anja van
Bergen, Biblioteka Nashonal Kòrsou
Frank Martinus Arion, Marjan Brouwers,
Lisa Davis-Burnett - The Daily Herald
St. Maarten, Jeanette van Ditzhuizen,
Robert van Dongen, Giselle Ecury,
Walter Hellebrand, Raymond R.
Hernandez, Jewish Cultural Historical
Museum Curaçao, Rosa de Jong,
Anne-Roos de Kort-Reich, Caspar
Martens, Hensley Meulens, Philipsburg
Jubilee Library, Marlon Reina, Red
Cross, Michèle Russel-Capriles, Riet
and Arthur Sealy, Ted Schouten, Sentro
di Barrio Otrobanda - Almira, Alenya,
Daniela, Myrthe Verhulst, Bert Vos,
Mirjam Weitzner-Smuk, Mike Willemse,
Brigitte van der Winden

DESKARGO DI RESPONSABILIDAT

Komitê Nashonal 4 i 5 di mei a perkurá di
regla e derechonan di outor di e òñonan legal
según e disposishonnan legal. Ta pidi esnan ku,
no opstante, ta di opinion ku nan tin ku kleim
derecho, pa tuma kontakto ku Komitê Nashonal
4 i 5 di mei.

Nationaal Comité 4 en 5 mei
Nieuwe Prinsengracht 89
1018 VR Amsterdam
Hulanda

info@4en5mei.nl
www.4en5mei.nl
www.tweedewereldoorlog.nl





Nationaal Comité
4 en 5 mei



@nationaalcomite4en5mei